

समे – 12.25

<><><><><><>

### J&K Vote Counting

जम्मू-कश्मीर दिएं 90 असैम्बली सीटें लेई चुनां मैदान च खड़ोते दे 873 मेदवारें दे सियासी भविक्ख दा फैसला कल वोटें दी गिनतरी आहले ध्याड़े होई जाहग। प्रदेश च वोटें दी गिनतरी आस्तै कुल 20 मतगणना केन्द्र बनाए गेदे न। केन्द्र शासत प्रदेश च मतगणना लेई व्यापक इंतजाम कीते गेदे न। वोटें दी गिनतरी दे बाद जम्मू कश्मीर च नर्मी सरकार बनाने दी बत पदरी होई जाहग ते 2019 च दफा 370 ते 35-ए हटाए जाने दे बाद पैहली बारी लोकें आस्सेआ चुनी गेदी सरकार बनोग। हाल च गै होए दे विधानसभा चुनाएं च जम्मू-कश्मीर दे लोकें बधी-चढ़ियै हिस्सा लैता ते लोकतंत्र दे पर्व दा हिस्सा बने। तोआईं जम्मू कश्मीर दे मुख चुनांस अधिकारी पी.के.पोले होरें गलाया ऐ जे वोटें दी गिनतरी दा कम्म रमानदारी कन्नै तोड़ चाढ़ने लेई सब्बै इंतजाम करी लैते गेदे न। जम्मू-कश्मीर च त्र'ऊं चरणें च होए दे विधानसभा चुनाएं च 63 इशारिया 45 फीसद मतदान दर्ज कीता गेआ जेहड़ा 2014 च होए दे 65 इशारिया 52 फीसद मतदान कोला बिंद हारा गै घट्ट ऐ।

<><><><><><>

### JK Counting Training

कल 8 अक्टूबर गी होने आली वोटें दी गिनतरी दिएं तैआरिएं गी दिक्खदे होई जम्मू खिते दे 10एं जिलें दे असैंबली हल्कें लेई वोटें दी गिनतरी आले अमले गी बिच्चा-बिच्चा तालियै सरबंधत थाहरें पर भेजने आली दुई प्रक्रिया गी कल जम्मू, सांबा, कठुआ, रियासी, उधमपुर, राजौरी, पुंछ, रामबन, डोडा ते किश्तवाड़ दे सरबंधत जिला चुनांस अफसरें दी निगरानी हेठ तोड़ चाढ़ेआ गेआ, जित्थें कुल 43 सीटें लेई वोटें दी गिनतरी कीती जानी ऐ। अमले गी बिच्चा-बिच्चा

तालियै सरबंधत केन्द्रें पर भेजने दी इस प्रक्रिया गी भारती चुनांs आयोग दे दिशा-निर्देशं मुजब तोड़ चाढ़ेआ गोआ। पारदर्शिता बनाई रक्खने लेई इस प्रक्रिया दी वीडियो रिकार्डिंग बी कीती गई। जिला चुनांs अधिकारिणं दस्सेआ जे अमले लोड़चदी सिखलाई देने लेई जरूरी बंदोबस्त करी लैते न।

<><><><><><>

### Counting Holiday

जम्मू कश्मीर दी सरकारै ऐलान कीता ऐ जे जम्मू दे 3 शैक्षणिक इदारे - महिलाएं दा गांधीनगर आहलर पद्मश्री पद्मा सचदेव कालेज, गौरमेंट एम.ए.एम.कालेज ते गौरमेंट पॉलिटैक्निक कालेज बिक्रम चौक जम्मू अज्ज यानि 7 अक्टूबर, 8 अक्टूबर ते 9 अक्टूबर गी बी बंद रौहडन, कीजे इनें संस्थानें च हाल च सम्पन्न होए दे विधानसभा चुनां दे वोटें दी गिनतरी दा कम्म तोड़ चाढ़ेआ जाहग।

<><><><><><>

### JK Prominent Candidates

जम्मू कश्मीर दे साबका मुखमंत्रि ते नेशनल कांफ्रेंस दे नेता ओमर अब्दुल्ला ते होर दुई सियासी पार्टिणं दे नेताएं दे भागें दा फैसला कल वोटें दी गिनतरी आहले ध्याड़े होग। ओमर अब्दुल्ला होर बडगाम ते गांधरबल चुनावी हल्के थमां चुनां मैदान च उतरे दे न। उंदे अलावा साबका उपमुखमंत्रि मुज्जफर हुसैन बेग ते ताराचंद, साबका मंत्री रमण भल्ला, योगश साहनी, यशपाल कुंडल, शब्बीर अहमद खान, सुनील शर्मा, शक्ति राज परिहार, विकार रसूल, चौधरी लाल सिंह, हर्शदेव सिंह, सज्जाद गनी लोन, गुलाम अहमद मीर, बीजेपी दे प्रदेश प्रधान रविन्द्र रैणा, प्रदेश कांग्रेस दे प्रधान तारिक हमीद कर्रा, पीडीपी दिआं नेता इल्लिजा मुफ्ती, अपनी पार्टी दे प्रधान अल्ताफ बुखारी ते सीपीआई(एम) दे मोहम्मद युसूफ तारीगामी हुंदे सियासी भविक्ख दा फैसला बी कल गै वोटें दी गिनतरी दे कन्नै होना ऐ।

<><><><><><>

## Karra Coalition

वोटें दी गिनतरी आले ध्याड़े शा पैहले जम्मू कश्मीर प्रदेश कांग्रेस कमेटी दे प्रधान तारिक हमीद करी होरें विश्वास जताया ऐ जे कांग्रेस ते नैशनल कांफ्रेंस दा गठबंधन सरकार बनाने लेई बहुमत दे आंकड़े गी अराम कन्नै पार करी लैग ते एग्जिट पोल च दस्से गेदे अंदाजे दे मकाबले च असल नतीजे मते बेहतर होडन। कल पार्टी दे जम्मू खिते दे मेदवारें कन्नै लाई गेदी इक बैठक दरान करी होरें एह गल्ल आक्खी। तकरीबन साढ़े 3 घंटे तोड़ी चली दी इक बैठक दरान प्रचार दी प्रक्रिया, प्रशासन दी भूमका ते पार्टी ते गठबंधन दे बकख-बकख पैहलुएं पर तफसीली गल्लबात कीती गई। प्रदेश कांग्रेस दे प्रधान होरें इब्बी आखेआ जे बीजेपी गी हराने लेई ओह इक्के जनेई विचारधारा आली पार्टिं ते मेदवारें कन्नै जुड़ने लेई तैआर न।

<><><><><><>

## Chug Govt. Formation

भारती जनता पार्टी दे राष्ट्री महासचिव तरूण चुग होरें आखेआ ऐ जे उंदी पार्टी जम्मू कश्मीर ते हरियाणा च हाल च सम्पन्न होए दे विधानसभा चुनाएं च शानदार जित हासल करोग ते लोकें दे अर्शीवाद कन्नै सरकार बी बनाग। एग्जिट पोल दिएं रिपोर्टें मगरा चुग होरें एह प्रतिक्रिया दिती। उनें गलाया जे जिस तरीके कन्नै प्रधानमंत्री होरें पिच्छले 10एं बरें दरान गरीब लोकें दे विकास लेई कम्म कीते न, उनें जम्मू-कश्मीर दे लोकें दा भरोसा जितेआ ऐ। इस्सै लेई लोकें बीजेपी गी वोट दिते न ते कल औने आहले चुनांs दे नतीजे एह साबत बी करी देडन।

<><><><><><>

## PM Maldives Talks

मालदीव दे राष्ट्रपति डॉ. मोहम्मद मुइज्जू हुंदा अज्ज बड्डलै राष्ट्रपति च रस्मी सोआगत कीता गेआ। राष्ट्रपति द्रौपदी मुर्मु, प्रधानमंत्री नरेंद्र मोदी ते विदेशमंत्री डॉ. एस. जयशंकर होरें मालदीव दे राष्ट्रपति ते उंदी घरै आहली साजिदा

मोहम्मद हुंदा सोआगत कीता। डॉ. मुइज्जू होरेंगी गार्ड ऑफ ऑनर बी दिता गोआ। मगरा, डॉ. मुइज्जू होरें राजघाट दा दौरा कीता ते महात्मा गांधी होरेंगी श्रद्धांजलि अर्पित कीती। प्रधानमंत्री नरेंद्र मोदी होर नमीं दिल्ली च मालदीव दे राष्ट्रपति हुंदे कन्नै आपसी हितें आहले दपक्खी, इलाकाई ते अंतर्राष्ट्री सतह दे मुद्दे पर चर्चा करडन। बैठक दे बाद दौनें मुखें बश्कार केईं समझौते पर दस्तखत होने दी बी मेद ऐ। मालदीव दे राष्ट्रपति मोहम्मद मुइज्जू होर राष्ट्रपति द्रौपदी मुर्मु हुंदे साददे पर भारत दी 5एं दिनें दी सरकारी जातरा पर आए दे न। ओह कल अगरा ते मुंबई दा दौरा करडन ते फही बुधवारें उंदा बेंगलुरु जाने दा बी कार्यक्रम ऐ। हिंद महासागर क्षेत्र च भारत दा मुख गोआंठी होने दे कन्नो कन्नी मालदीव प्रधानमंत्री मोदी हुंदे मिशन सागर ते भारत दे अपने गोआंठ गी तरजीह देने आली नीति दे नजरिये स्हाबै बी मता प्रमुख थाह रक्खदा ऐ।

<><><><><><>

#### Shah – LWE Meeting

केन्द्री गृहमंत्री अमित शाह होर अज्ज नमीं दिल्ली च खब्बे पक्खी अतवाद करी प्रभावत राज्यें दे मुखमंत्रिणें कन्नै बैठक दी अध्यक्षता करडन। इस बैठक च आंध्रप्रदेश, बिहार, छत्तीसगढ़, झारखंड, तेलंगाना, ओडिशा, महाराष्ट्र ते मध्यप्रदेश दे मुखमंत्री हिस्सा लैडन। एहदे इलावा प्रभावत राज्यें गी मदाद पजाने दी प्रक्रिया कन्नै जुड़े दे 5 केन्द्री मंत्री, राष्ट्री सुरक्षा दे उप-सलाहकार ते केन्द्री सशस्त्र पुलस बलें दे वरिष्ठ अधिकारी बी इस बैठक च शामिल होडन। इक ब्यानै च गृहमंत्री होरें आखेआ ऐ जे केन्द्र सरकार मार्च 2026 तोड़ी सब्बे पक्खी अतवाद गी पूरी चाल्ली खत्म करने लेई वचनबद्ध ऐ।

<><><><><><>